

ПОСЛЕДОВАНИЕ МОЛЕБНАГО ПЕНИЯ С АКАФИСТОМ

Диакон: Благослови владыко.

Иерей: Благословен Бог наш всегда, ныне и присно, и во веки веков.

Лик: Аминь. Царю Небесный:

Таже чтец: Трисвятое по Отче наш: **Возглас:** Яко Твое есть Царство, и сила и слава, Отца, и Сына, и Святаго Духа, и ныне и присно, и во веки веков.

Чтец: Аминь. Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Псалом 142:

Господи, услыши молитву мою, внуши моление мое во истине Твоей:

Слава, и ныне: Аллилуиа, трижды.

Ектения великая: Миром Господу помолимся:

Возглас: Яко подобает Тебе всякая слава:

По гласу тропаря.

Бог Господь, и явился нам, благословен Грядый во имя Господне.

Стих 1: Исповедайтесь Господеву, яко Благ, яко в век милость Его.

Стих 2: Обышедше обыдоша мя, и именем Господним противляхя им.

Стих 3: Не умру, но жив буду, и повем дела Господня.

Стих 4: Камень, егоже небрегоша зиждущий, сей бысть во главу угла: от Господа бысть сей, и есть дивен во очесех наших.

Таже тропарь, дважды:

Слава, и ныне: Богородичен его.

Таже псалом 50-ый.

Посем без ирмосов 1 и 3 песни канона, егоже припевы:

Иисусе Сладчайший, спаси нас,

Или: Пресвятая Богородице, спаси нас,

Или: коему-либо святому.

Поем же киижду песнь сице:

Иерей и диакон: Припев

Лик: Припев

Иерей и диакон: Слава:

Лик: И ныне:

По 3-й песни поем:

Спасителю: Избави от бед/ рабы Твоя, Многомилостиве,/ яко мы усердно/ к Тебе прибегаем,/ милостивому Избавителю, всех Владыце, Господу Иисусу.

Богородице: Спаси от бед/ рабы Твоя, Богородице,/ яко вси по Бозе/ к Тебе прибегаем,/ яко Нерушимей Стене и Предстательству.

Призри благосердием,/ Всепетая Богородице,/ на мое лютое/ телесе озлобление,/ и исцели души моя болезнь.

Святому: Моли Бога о нас, **имярек**,/ яко мы усердно/ к тебе прибегаем,/ скорому помощнику и молитвеннику о душах наших.

Таже ектения: Помилуй нас, Боже, по велицей милости Твоей, молим Ти ся, услыши и помилуй.

Еще молимся о Великом Господине и отце нашем Святейшем Патриархе Кирилле и о Господине нашем Высокопреосвященнейшем митрополите (архиепископе, **или** Преосвященнейшем епископе) **имярек**, и о всей во Христе братии нашей.

Еще молимся за всю братию и за вся христианы.

Возглас: Яко Милостив и Человеколюбец Бог еси и Тебе славу возсылаем Отцу и Сыну и Святому Духу, ныне и присно и во веки веков.

Лик: Аминь.

Также 4, 5 и 6 песни канона.

По 6-й песни: поем, якоже и по 3-й песни.

Таже ектения: Паки и паки миром Господу помолимся.

Заступи, спаси, помилуй, и сохрани нас, Боже, Твоею благодатию.

Пресвятую, Пречистую, Препоблагословенную, славную Владычицу нашу Богородицу, и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Возглас: Ты бо еси Царь мира, и Спас душ наших, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Таже лик поет кондак 1-й акафиста Спасителю или Богородице или святому. По прочтении 12 кондаков и икосов иерей четет кондак 13-й трижды. Таже икос 1-й и кондак 1-й.

Диакон: Вонмем, премудрость, вонмем. Прокимен [Господу, Божией Матери или святому].

Лик поет прокимен.

Диакон: Господу, помолимся.

Лик: Господи, помилуй.

Иерей: Яко свят еси, Боже наш, и во святых почиваеши, и Тебе славу возсылаем, Отцы и Сыну и Святому Духу, ныне и присно и во веки веков.

Лик: Аминь.

Диакон и лик: Всякое дыхание да хвалит Господа:

Диакон: И о сподобитися нам слышанию святого евангелиа, Господа Бога молим.

Лик: Господи, помилуй (трижды).

Диакон: Премудрость, прости, услышим святого евангелиа.

Иерей: Мир всем.

Лик: И духови твоему.

Иерей: От **имярек** святого евангелия чтение.

Лик: Слава Тебе, Господи, слава Тебе.

Диакон: Вонмем.

И четт иерей прилучившееся евангелие.

Посем поются песни 7, 8 и 9.

Таже: Достойно есть: **Трисвятое, по Отче наш: и тропари.**

По тропарех, ектения:

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй (**трижды**).

Еще молимся о Великом Господине и отце нашем Святейшем Патриархе Кирилле и о господине нашем Высокопреосвященнейшем митрополите (архиепископе **или** Преосвященнейшем епископе) **имярек**, и о всей во Христе братии нашей.

Еще молимся о богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о милости, жизни, мире, здравии, спасении, посещении, прощении и оставлении грехов рабов Божиих (**имярек**).

Еще молимся за всю братию, и за вся христианы.

Возглас: Услыши ны, Боже Спасителю наш, упование всех концов земли и сущих в море далече: и милостив, милостив буди, Владыко, о гресех наших и помилуй ны. Милостив бо и человеколюбец, Бог еси, и Тебе славу воссылаем, Отцу и Сыну, и Святому Духу, ныне и присно и во веки веков.

Лик: Аминь.

По ектении иерей четт молитву. Посем поется величание.

Диакон: Премудрость:

Иерей: Пресвятая Богородице, спаси нас.

Лик: Честнейшую Херувим:

Иерей: Слава Тебе, Христе Боже, Упование наше, слава Тебе.

Лик: **Слава, и ныне:** Господи, помилуй, (**трижды**)
Благослови.

Иерей отпуст:

Христос истинный Бог наш, молитвами Пречистыя Своея Матере, преподобных и богоносных отец наших, [**имярек святого, емуже молебен**], и всех святых, помилует и спасет нас, яко Благ и Человеколюбец.

Лик: Аминь.